



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Versvs X. Averte faciem tuam à peccatis meis, & omnes iniquitates meas
dele.

urn:nbn:de:hbz:466:1-47773

gore animando, si quando illæ, pro humanæ imbecillitatis conditione, labascere & debilitari cœperint. *Dulcedo Anima sanitas ossium. Prov. 16. v. 24.* Nemo igitur aures illis præbeat, qui ausi sunt damnare devotionem sensibilem, dum vides illam ab ipso adesto Davide non hoc tantum, sed pluribus aliis locis petitatam: *Sicut adipe & pinguedine repletur Anima mea, & labiis exultationis laudabit os meum. Psal. 62. v. 6.* Nostine quando sensibilis Devotion probanda non sit, aut potius contemnenda? tum cum illa sola expetitur; hoc enim perinde est ac velle accidentia sine substantia: calorem sine igne, lucem sine flamma, & robur ac vires sine alimonia, quæ sola illas confert. Quære Devotionem substantialem; & in hac probè obfirmatus cur desiderare non possis, ut illi DEUS adjungat etiam accidentariam? *Auditui meo dabis gaudium & latitiam, & exultabunt ossa humiliata.* Satisne illa tibi utilis videtur? Excitat & denuo animat in te virtutes jam marcentes & languidas, easque restaurat,

VERSUS X.

*Averte faciem tuam à peccatis meis, & omnes ini-
quitates meas dele.*

Considera, Animam cum se in Devotione illa sensibili, paulò ante explicatâ, constitutam animadvertit, tunc præquam aliás audentem reddi ad petendum. Videtur tum illa sibi experiri, & sensu quasi ipso percipere, quod sit cara DEO, atque ita quid sibi non promittit? David proinde, non contentus obtinuisse veniam particularem injuriæ illatæ Uriæ, ad aliam quoque postulandam

landam progreditur non jam particularem, sed generalem, omnium scilicet peccatorum, quæ per omnem retro vitam admississet: *Averte faciem tuam à peccatis meis, & omnes ini-
quitates meas dele.* Jam omnium noxarum erat consecutus veniam; ita est. Hinc tamen non est consequens, veniam earum amplius peti non debuisse. Quin imò oportet eorum quoque delictorum, quæ condonata jam sunt, veniam identidem postulare. Atque hoc est, quod præsentī in versu innuere tibi David voluit, quod tu non minùs, quam aliis quisquam, tibi quam maxime familiare redde-re deberes. Innuere tibi vult, quod tum quoque, cùm tantum non ad fastidium usque pro obtainendâ veniā labo-rasti, redire debeas ad eam quasi à principio petendam. Vi-de quam multis modis, jam inde ab initio hujus Psalmi, David eam petierit! & tamen denuo ad idem reddit: easdem ad phrases, easdem ad formulas revertitur, & non tan-tum ad idem poscendum. Et tu tam citò supplices ejusmo-di preces nauseas?

Considera, vitam hanc, si ullo ex capite amanda est, dum illam nobis D E U S, & ejus spatia profert, postquam tot à nobis est injuriis laceffitus, non ex alio amandam esse; quam ut diutius possimus deplorare has illatas D E O injuriias. *Quid restat nobis, nisi semper dolere in vita?* ajebat S. Augustinus lib. de vera & falsa Pœnit. cap. 13. Non ta-men sine causa dixit Nobis: non enim desunt, qui hoc idi-omatis genus non assequantur. Si verum fateri vis, quo-rum ex Pœnitentium classe tu es? an illorum qui procul dubio de admisso malo dolent, sed non nisi proprij com-modi respectu; ob inferni nimirum supplicia, quæ prome-ruerunt, ob cælum, cuius jacturam subjerunt? Si horum è numero es, non nego, si certus esses de veniā admisso-

II.

H 2

rum

rum tuis lacrymis obtentā, finem aliquando facere & posses & deberes, eas profundendi. At si ad illos pertines, qui unice ob DEUM, bonum summum, offendit dolent, ecquod tandem dubium esse potest, quin quō vivis diutius, hoc etiam malum admissum deplorare debeas amplius? Exitus aquarum (ita & tu rebus sicstantibus alloqui DEUM debes.) Exitus aquarum deduxerunt oculi mei, quia non custodierunt legem tuam. Psal. 118. Hæc præclara dolendi causa, quæ eo ntitur, quod nos voluntatem divinam sumus transgressi, causa est quæ nunquam non perseverat, & idcirco apta, ut, quantum est ex se faciat etiam dolorem durare, per omnem deinceps seculorum æviternitatem: nisi quod in cælo dolori jam locus nullus est: quapropter Sancti Cælites abominantur quidem ibi culpas veteres, non tamen de illis dolent. Hac in vita semper dolori locus est; & idcirco nos dum vivimus, & abominari culpas nostras, & de iis dolere debemus sensu doloris amarissimo. Lavabo per singulas noctes lectum meum, lacrymis meis statum meum rigabo. P. 6. v. 2. Imò si quid est, de quo lætari interim possumus, de eo lætandum nobis est; quod semper admittere in animum possimus doloris sensum, quem in cælo porro admittere non possumus.

Præterquam quod Pœnitentiæ vera in Viatoribus vultu est duplici: Uno respicit præteritum, ut illud deploret: altero malum futurum, ut illud effugiat. Jam quis ambigat, quod ad evitandum malum futurum nihil magis prodesse possit, quam semper deplorare malum præteritum? Fierine poterit, ut denuo Patrem suum carissimum filius ille vulnerare cogitet, qui torrentibus lacrymarum abluit eas plagas, quas manu barbarâ ante inflixerat? Si tu tam facile

facilè redis ad peccandum denuo , quæ causa esse possit,
nisi quia tam citò oblisceris errorum priùs admissorum?

Considera, quòd videri possit David in hac tam universalì noxarum veniā à D E O petendā non usus formā convenienti , dum illi dixit: *Averte faciem tuam à peccatis meis.* Quomodo unquam potest D E U S desistere videre nostra scelera , etiam quibus pridem ignovit ? Si remissa sunt, fuerunt etiam admissa : & hoc unum sufficit ut illa semper obversentur divinis oculis per omnem æternitatem. Ita est. Sed meminisse oportet, quòd homines, etiam quando cum D E O loquuntur, humano more loqui oporteat: nec enim aliud , quām propriū suum , idioma habent. Quando igitur humano in commercio dicimus, quòd quis avertat faciem ab iis injuriis, quibus lassisitus est, idem est ac dicere ; quòd erga eum , à quo offensus est, perinde se gerat , ac ante omnem offensam se gessit. Et hoc est, quòd à D E O David verbis istis petit. Neque hoc parum videatur. Nosle enim oportet, quòd delictum, et si condonatum quoad culpam, vindicari tamen possit in hac vita duplici pœnā , positivā quām dicimus, & negativā. Positiva, est pœna naturā suā respondens culpæ jam dictæ: & hæc mensuram suam habet lege taxatam , sic ut illa exalatā certi simus nihil porro luendum superesse. Negativa, est subtractio multorum auxiliorum gratuitorum, quæ iure ac meritò negare nobis potest D E U S, propter malum à nobis admissum. Atque hoc pœnæ genus mensuram suam certam non habet: neque enim certa mensura seu taxa est, ubi non de Justitia, sed de Gratia agitur. His proin auxiliis privari timebat David ob admissa à se delicta , & hæc causā rogat D E U M, ut avertat faciem ab his peccatis, omnem quodammodo eorum memoriam abolendo ; id quod

III.

H 3

tunc

tunc facturus erat D E U S , si deinceps non fuisset minus erga eum beneficus , quam antè , iisdem intimax gratiae argumentis eum præveniendo . Ista autem petitio non est rei penitus insolitæ . *Convertam eos pronuntiavit D E U S de iis ipsis , quos jam abjecerat , convertam eos , quia miserebor eorum , & erunt sicut fuerunt , quando non projecteram eos . Zach. 10. v. 6.* Quin imò millies ille ostendit , pluris se facere Pœnitentem , qui Prodigi instar filij serio admodum & ex animo ad ipsum reversus sit ; quam multos Innocentes , qui nunquam ab eo recesserunt , sicut profugi illius frater natu major . Nec id mirum videri debet . Innocentia siquidem non est prima Animæ humanæ dignitas . Prima Animæ dignitas , citra ullam controversiam , est Gratia . Hæc autem sæpe multo est major in ferventi Pœnitente , quam in multis Infantibus , quantumcunque Baptismatis Innocentie candore resplendentibus . Ad hanc igitur majorem gratiam aspirare te oportet post peccatum , editis fructibus Pœnitentie convenientibus , & subinde penitus fidere D E O , qui tam disertè ore suo pollicitus est : *Impietas Impij non nocebit ei in quacunque die conversus fuerit ab impietate sua . Ezech. 33. v. 12.* Nimium quantum autem noceret impietas præterita , si propter illam ad eximiam Sanctitatem jam nullo modo posses evadere . Sæpe igitur precare D E U M , ne propter admissas & contractas noxas omittat operari in Anima tua omne illud , ad quod ceteroquin Bonitate sua propenderet . Et si hoc sensu illum alloqueris verbis , quæ jam ruminas , *Averte faciem tuom à peccatis meis , procul dubio illis in maximè legitimo uteris .*

IV. Considera , Injurias , quibus nos alii afficiunt , omnes duplē ad classē revocari : vel enim præsentes sunt , vel præteritæ . Præsentes dicimur ante oculos habere ; præteritas

teritas verò jam inde à primo die retulisse in librum. Non dissimili ratione loquitur D E U S de injuriis, quæ in ipsum illatæ sunt. Innumeræ sunt, quibus à nobis est irritatus. De præsentibus ait, se illas, utut occultè perpetratas, probè tamen videre omnes ac singulas: *Non sunt abscondite à facie mea. Jer. 16. v. 17.* Præteritas se ait scriptas conser-
vare: *Ecce scriptum est coram me: non tacebo, sed reddam:*
& retribuam in finum eorum iniquitates vestras, & iniquitates
Patrum vestrorum simul. Isal. 65. v. 6. Utrarumque porro singillatim veniam à D E O petit David. Respectu earum, quæ oculis obversantur, dicit D E O, *Averte faciem tuam à peccatis meis: respectu scriptarum, & omnes iniquitates meas dele.* Hoc tu imitari debes. Quàm multa tu identi-
dem perpetras, quæ D E O tuo displicant? iis etiam actionibus bonis, quas operaris, illa immisces. Idcirco ne i-
stæ hac causâ minùs gratae sint D E O, frequenter illum obse-
cra: *Averte faciem tuam à peccatis meis, præsentibus nimi-
tum.* Ad præterita autem quod spectat, quæ per omnem hactenus actam vitam admisisti, prò quanto illa sunt nu-
mero! forsitan etiam de ipsis verum est: *Delicta nostra
creverunt usque ad cælum. 1. Esd. 9. v. 6.* Ad mitigandam idcirco D E I iram crebrò tibi respectu istorum in ore sit:
Omnes iniquitates meas dele, omnes, omnes: idque tanto am-
plius; quia etsi horum veniam, quantum ad culpam spe-
ctat, jam impetrâsses, fieri tamen facile potest, nondum pro omni reatu poenæ esse satisfactum. Et de hoc quis ambigat: cum profiteatur D E U S, omnes omnino, qui-
bus irritatus sit, injurias se scriptas tenere: *Nonne hac con-
dita sunt apud me, & signata in thesauris meis?* Deut. 32.
v. 34. Argumento igitur est, quòd ipse non confessim pœ-
nas exigat: ita enim fieri amat: in librum rationum re-
ferun-

feruntur, non quæ expunētæ jam sunt, sed quæ vivæ perseverant obligationes. Sed si ille non confessim pœnas exigit, tanto id est deterius; moram in his exigendis gravitate subinde compensabit. Et quando? tunc cùm illi magis opportunum videbitur. *Mea est ultio; & ego retribuam in tempore. Deut. 32. v. 34.* Cave ergo inde animos suinas, quod DEUS ad puniendum non sit velox: id enim inde nascitur, quod nullo non tempore id facere possit, quan- docunque ipsi placuerit.

V. Considera, quanto se sapientiorem sis probaturus, si bono tuo eâ DEI tarditate uti sciveris; sic, ut dum adhuc parcit noxituis DEUS, tu ipse eas sollicitè in te ipso vindices. Nónne hoc erit illum occupare, & prævenire? dubium id nulla ratione esse potest. *Si nosmetipſos judicremus, non utique judicareμur. 1. Cor. 11. v. 31.* Hinc, quam ob causam existimas, tantâ confidentiâ & libertate petiisse Davidem à DEO abolitionem omnium iniquitatum ad illud usque momentum admissarum? *Omnes iniquitates meas dele; omnes, omnes.* Quia jam ipse eas in se, quantum poterat, erat ultius. Debitor hilari fronte se confert ad invniendum Creditorem, & petit ab ipso, ut nomina ejus omnia deleat, quando pro ipsis jam numeravit totum quod erat annumerandum. Sic & tu facito. Solve, quod DEO debes, operâ pœnitentiaz, & subinde dic: *Omnes ini- quitates meas dele, omnes, omnes.* Si credis, nunquam te posse tantum à temet reposcere pœnarum, quantum pro noxis tuis sit satis, suppleto Indulgentiis, qui est ille thesaurus, ex quo ærate sua David nihil in suos usus accipere potuit. Hæ non sunt aliud, quam solutio quædam non condigna tantum, sed copiosa, quam tuo Iaco exhibet Ecclesia ex magno illo suo æratio. Tu isto saltē ad com- modum

modum tuum utere. De cetero, ne dubita, è libris divinarum rationum nullum, quamlibet minimum, nomen deleri, quin pro illo fiat satis. *Nihil de pæna dimititur. S. Th. Suppl. q. 25. ar. 2.c.* Si non satisfit ex proprio, necesse est satisfacere ex alieno. Accipe igitur tessera nummariam, quam Christus tibi offert, & illâ Creditori satisfac. Despicias, si, cum omni momento promptam habeas, moriaris ante, quam illâ utaris.

VERSUS XI.

*Cor mundum crea in me D E U S, & spiritum rectum
innova in visceribus meis.*

Considera, Auro, quantumvis purum excoctumque sit, I.
injuriam tamen nunquam fieri, si ad lapidem lydium
examinetur. Imò ideo, quia aurum est, probatur.
Si esset æs, quis unquam sic illud probare dignaretur? Do-
lor de peccatis aurum, procul dubio, est perfectissimum.
Nihilominus cœlesti in ærario clausis oculis & sine examine
nunquam acceptatur. Probatur prius: & quomodo? ad-
vertendo, an pertingat usque ad decretum vitæ emendan-
dæ: huc si pertingat, verum reputatur: sin, nullum ejus est
premium. Observa igitur, quâ ratione David, qui tam
multis hactenus modis professus est se de admissis verè dolere,
D E O palam faciat, fixum sibi ratumque esse ab illo
momento mutare vitam, eum in finem supplex rogat, do-
nari sibi momento eodem Cor novum, & Spiritum no-
vum. *Cor mundum crea in me D E U S, & spiritum rectum
innova in visceribus meis.*

I

Cordis